

國朝獻徵錄
(四)

焦太史編輯國朝獻徵錄卷之五十目錄

工部一

尚書

薛祥

秦逵

宋禮

吳中

李友直

王忬

趙榮

萬祺

王復

謝一夔

賈俊

劉漳

徐貫

曾鑑

獻徵錄

卷之五十目錄

李鏞

俞琳

龔弘

章楛

趙璜

童瑞

劉麟

蔣珪

林庭楫

甘為霖

胡松

雷禮

朱衡

郭朝賓

姚繼可

焦太史編輯國朝獻徵錄卷之五十目錄終

焦太史編輯國朝獻徵錄卷之五十

工部一

尚書

資政大夫工部尚書無為薛公祥傳

黃金

薛祥字彥祥世為廬州人祖景仁在元仕至帥府鎮撫父舜卿元季兵亂四海鼎沸絕榮進意祥乃戴武弁環口超騎乘義兵保障郡邑適太祖高皇帝龍飛淮甸駐師和陽祥遂從俞平章內附扈蹕渡江河至正乙未六月也推其材能表為水寨管軍鎮撫越

獻徵錄

卷之五十

明年丙申克臺城已亥攻安慶壬寅下江西癸卯復廬州戰鄱陽得侍御黃船與議軍政上語俞平章曰汝之功業非薛彥祥不能成就若總大兵攻浙上奪姑蘇下中原凡傳旨密報惟祥是命洪武元年漕運河南孟津上遣人謂曰聞有凶命者潛伏衝要恐來劫掠倘彼眾我寡罔輕敵時夜半抵蔡河賊果至祥諭之曰汝眾良善也值兵亂嘯聚情出不得已今聖天子出矣汝等當順天命歸寧家業樂安田里無累妻孥縱使汝有千人不遇劫得千石我之所部不下二十萬餘待旆縱兵蒐汝眾何逃眾服其

言而散 上聞之大喜時祥患背疽 上親視之

命醫治顧延安侯曰薛彥祥之疾託在汝等慎勿令

德且嘗言汝歷多軍功當授武職而今門兵山東供

信糧餉未得其人汝相從於起事之初固年年矣簡

在朕心若古之蕭何寇恂匡弼漢室不絕繼道汝汝

效之特誥授中順大夫京畿都漕運使管長淮大河

等衛官軍分司淮安自楊至蔡達濟寧堰皆沙塞崩

塌疏通修築晝夜無息役使均平不施刑而衆懼不

呵叱而衆服雖勞不怨祥論之曰爾等戮力官家我

奏爾功必得賜爾職衆皆悅從繼得論功授職者三

獻徵錄 卷之五十一

十餘人時出薊初附官民當南遷者皆經淮安饑餒

者食之寒凍者衣之死者殞之四年辛亥滿考還京

淮泗之民焚香祝曰願公再來作我父母攀轅拒轍

者遮道山陽海州頑民作亂附馬都尉黃琛調軍追

勦俘馘萬餘人皆有名號其註誤連坐者率皆良民

祥與駙馬會問力排之曰無名號者不許妄指出是

獲全首領者甚衆感荷如天寫真生祠之而民相勸

莫為惡以干犯祥令如是者前後官席蒙其福利士

民沾其惠澤乙卯誥授工部尚書時太師李善長奏

鳳陽宮殿人匠屢鎮祥面折曰太師一言壞天下人

若此恐不利於子孫乃分棟支官不在工者并錄

匠不罪蓋蒙其奏活者千數人明年丙辰營護身殿

該部誤奏中等匠作上等 上怒命將匠上者棄市

俾丞相大夫皆不復請時祥在側遂曰奏對不實竟

殺千人因言極諫得令下用腐刑祥徐奏曰若是

成廢人矣莫若赦而復工可其請遂不譴是歲改天

下行省為承宣府政使司以北平為重邊特授資政

大夫北平布政司使北平屬縣有大興民多貧乏嘗

有鬻子女者祥至即責問所屬知所自者以贖贖給

主一切庶幾嚴於責已薄於責人不尚華飾不妄取

獻徵錄 卷之五十一

不作無厭事一年方面寧謐時宰悅適天旱 有

閭以差役不均坐殿嘉興知府實十二年己未也明

年春上言姦臣每讒害汝汝何不言祥曰臣聞知其

故又明年辛酉十月不幸旁累下杖竟卒配賀氏先

祥卒至是合葬於江寧縣聚寶門外平岡原于四人

能政宣俱遷謫於瓊祥質性仁厚直諫不阿能容

人小過醜寡孤獨無告者周恤無所吝金玉子女不

義者絕不苟得峻刑酷法以為能者不忍聞荼毒糜

爛以立功者不忍為不避斧鉞以活人為心贊襄

聖天子之仁化實多然不能逃於儉人之禍者豈氣

數有素定歟要之功德開望有不隨死而凶者

陳後錄

卷之五十一

四

工部尚書秦達傳

雷禮

尺上

秦達字文用直隸寧國府宣城縣人洪武十八年由國子生取乙丑進士歷事都察院奉敕清理囚徒寬嚴得體太祖嘉其賢能特擢工部侍郎有大興作多不召尚書而名達議十九年四月議定工匠驗其丁力定以三年為班更番復赴京輪作每月如期名曰輪班匠行間達復議量地遠近為班次且署籍為勘合付之至期齋至工部聽檢免其家徭役著為令諸匠便之七月上以達在公勤詔有司復其家二十年正月上謂達曰春秋之世人紀廢壞孔子以獻徵魯

卷之五十一

五

至聖之資刪述六經使先王之道晦而復明萬世有賴功莫大焉夫食萊則思樹藝之原衣帛則思養蠶之始重其所從出也孔子之功與天地並立故朕命天下通祀以致崇報之意而闕里又啓聖降神之地廟宇廢而不修將何以妥神靈昭來世爾工部其即為修理以副朕懷二十二年陞工部尚書五月帝以古帝王廟地界通衢褻而不嚴乃徙建於欽天山之陽遠以是月奏廟功成自三皇五帝繼以三代兩漢唐宋元勳碩德比侔者列像于庭設冕履漆上其嘉之二十三年五月詔各衙門掌印官更書改其

部尚書詰曰兵始黃帝至周爲備國君之軍

之軍三將卒之左右副將副之備禪二將參贊之

征戰將則爲隊長於是乎張九伐之威天下定民衆

泰然將之職有警則受民而行者也其軍之資給功

過之等第必有屬焉故主兵曹以總其務所期甲仗

精旗械明戈矛必利橋梁舟車無不具備前朝清道

使無暴尸則軍士氣壯武勇自備於此之職非忠良

之志莫稱此任朕今以汝達爲兵部尚書爾其敬慎

乃職毋怠於事使兵備修明朕惟爾嘉懋哉未幾復

以達爲工部尚書十月因各處弓箭歲造不便奏准

令工匠輪班赴京歲造二十四年冬十月丁巳定生

員中服之制襴衫用玉色絹布爲之寬袖皂緣皂纒

軟巾垂帶 上以學校爲國儲材而士子巾服無異

吏胥宜有甄別之命遠製式以進 上親視必求典

雅凡三易其制始定賜監生襴衫纒各一以爲天下

先尚是士子衣冠綽有古風焉二十五年致仕

工部尚書宋公禮傳

朱陸澤

宋禮字大本未寧人也父彬知儀隴縣有惠政禮以

明經克貢補國子生是時諸生以才能選者皆行以

不次洪武中授禮山西按察僉事持法嚴峻奸邪

盡無少貸 文皇卽位累擢工部尚書九年二月命

禮開濬會通河會通者卽元之故河也初元都燕清

運江南糧有二海道由蘇州太倉至直沽入京歲約

三百餘萬石然風濤不測損失頗多又自東平州安

民山開河北至臨清引汶絕濟直屬衛河建肆以節

蓄洩名曰會通河當是時河道初開岸狹水淺不能

負重載每歲運不過數十萬石不若海運之多也故

終元之世海運不罷國初會通河故道猶在洪武二

十四年河決原武漫過安山湖而會通河遂淤自是

南運舟楫不通而立陸路遞運所往來者悉由德州

入河末樂初改立運法自海運者踵元人之舊由直

沽達京自河運者由江入淮由淮至陽武發山西河

南丁夫陸運至衛輝入河舟運至京而海險費耗

財溺舟不可勝紀至是濟寧州同知潘叔玉上言舊

會通河四百五十餘里其淤塞者三之一浚而通之

非惟山東之民免遞運之勞實國家無窮之利從之

卷之五

七

卷之五十

七

遂命禮及刑部侍郎金純都督周長發山泉六郡丁
夫十餘萬開濬以復故道禮乃築壩于汶上之戴村
橫亘五里遏汶忽東流令盡出于南旺分爲二水四
分南流以接徐沛六分北流以達臨清又相地勢高
下增修不閘以時啓閉自分水至臨清地降九十尺
爲閘十有七而達于漳御南至沽頭砲峯百十有六
尺爲閘二十有一而達于淮自是河成而平江伯瑄
亦疏塞維揚一帶南北遂通矣禮等還京 上嘉勞
賜寶銀二百錠文繡二襲其分董役者爵賞有差十
四年營建北京命禮取材川蜀又六年卒于官弘治
獻徵錄 卷之五十一 八

疏周長配

論曰禹疏川列九州茲地爲豫豫者和萃之名也
明興茲地當兩京之中貢賦轉輸所繫甚重然治亦
有緩急之別耳國初之議凡遇秋水泛溢沖決田廬
水濱州縣官主之至於漕渠淤淺飛輓不達有大患
則請於朝暫遣一二大臣來視工竣即還吾省如宋
公禮是也正德間議者專設大臣一人爲總理河南

山東監司郡縣各增一人分治歲徵夫若干萬人全
若干萬兩有患則額外之誅靡已無患則歲辦不減
也夫河漕本爲國家之利而今之病民者莫甚焉噫
安得如初議罷專設節浮冗稍蘇疲氓斯善矣

參祿大夫少師工部尚書贈任平伯諡榮襄

公中神道碑

楊士奇

公諱中字司正姓吳氏世家山東之武城業儒曾祖淵祖與任元為任丘令考成皆以公貴累贈榮祿大天正治上卿少保工部尚書妣皆贈夫人公洪武戊寅自國子生授管州後屯衛經歷陞大寧都司經歷太宗皇帝義旗舉師至大寧公以衆出迎公体白潔豐偉占對明暢 上一見拔於羣衆賜襲衣命守衛士力田南兵攻城率衆却之移守薊州捍禦撫綏具有方略賜衣服器物以嘉獎之遂命署北平布政司

獻徵錄

卷之五十

十一

理問陞本司經歷給餼運贊城守並效勞績陞大理寺丞是歲旱蝗公言此由刑濫所致乞法司務寬平無幾陞少卿以發姦隱陞都察院右都御史將營北京宮殿改工部尚書奉命取材於蜀還又命董餉運丁外艱歸起復仍命董官殿營繕公言營繕吉事臣喪服未除非所當預改刑部尚書後以言事忤旨逮繫 仁宗皇帝嗣位尤見信任陞少保仍兼尚書賜寶帶金織衣已而坐累解少保公事 三聖皆信任凡車駕行幸不以遐邇皆在扈從 三陵之建皆公

董役壞事皆有銀幣之賜 皇上臨在以公老

少保重建奉天葦蓋謹身三殿乾清乾寧二宮命公董之且夕勤勞致疾功成公雖在告嘉念厥勞陞少師賜白金文綺加繡麟衣無幾疾竟不起正統壬戌六月丙辰云計聞輟視朝一日遣禮部尚書胡濙賜祭追封任平伯諡榮襄命有司治葬事官其子賢世襲錦衣衛百戶公為人和易閭爽勤於奉公其掌刑憲寬厚平恕恒躬視獄中命除穢惡疎怪措時食飲戒飭吏卒以時寬恤迨遷冬官職務填委規措經善條理青井心之默識雖久不忘襟度有容雖忤不

獻徵錄

卷之五十

十一

校或屈已仲謝愛護僚屬恒庇其佐在南京者嘗賦述海艘材於江西浙江加數十時論謹諱公聞駭愕遽奏罷賦悉給於公屬官有器能者率獎進之先事蓄材以應時需隨用皆足未嘗缺乏自正統來京師多大營建悉出公家有司不知百姓不聞此本 皇上之仁亦公預贊畫焉明于燭姦嘗四鼓入朝適遇負鈔數十萬緡者公曰非寇而何命從者悉繫以奏詰之乃造鈔匠盜寶鈔提舉司鈔遂置于法邇近有見必上聞不以出位為嫌歷事 四聖皆承厚遇所科賜賚時鮮與餼宣德中嘗賜銀章其文曰和敏詳

達卷以貶公之行云所得詩詞畫尤多自念

奉乞停祿不允家忌親孝帝迎就養京師

崇本親沒致御祭之榮永樂中命大臣之子入侍

皇太孫公惟於其弟雖貴待姻戚鄉黨相與款洽如

布素特顯窮隘不問識與不識與人處謙和裕愉

大嘗中貴皆樂就之屬續之日哀悼之象無問陳賊享年七十有

吳中守直武城人以鄉貢為都司經歷燕師起中

有守北平拒破南師後遷刑部尚書工

郭尚書中豐等如冠王長七尺餘聲若洪鐘朝野

望之而慙勤敏多計筭凡事 四主為造北都城堞

宮苑書著過三十年皆出中指授片木礫瓦各得其

任而貪縱所刻減萬計金帛財寶充牣若山膏田甲

舍徧于都邑加少保坐受人賄為保舉事發下獄將

半載始釋之奪少保尋以太廟完復之再進少師卒

贈往于伯中湛于色後房曳珠翠者無數而為妻嚴

妬不敢近一日領誥畢返妾令左右為我讀吳中誥

已問中曰 上筆耶曰 上安得為此亦翰林臣草

女笑曰果然內奉翰林名知人即吳中誥一篇何

此一廉字中面亦亦強笑而已語後聞禁中後伶

為吳中畏內狀 上制舉盃也 奔州別記

行在工部尚書李友直傳

寶錄

李友直字居正直隸清苑人 太宗皇帝在潛邸將

舉兵靖難北平布政使張昺知其謀會其僚欲奏發

之時友直為庫吏密以告于 太宗得禽斬昺等友

直以功授北平布政司右參議既建北京改布政司

為行部陞左侍郎時初作宮殿營繕務殷威命友直

董之遂改為行在工部左侍郎 仁宗皇帝臨御陞

北京行部尚書奉命祀西嶽及周諸陵既還言關中

民疲困狀深見嘉納 宣宗皇帝嗣位改行在上部

尚書凡朝廷有大興作悉以委之正統三年九月卒

獻徵錄 卷之五十 十三

遣官諭祭命有司治喪葬

工部尚書王忬傳

實錄

工部尚書王忬陝西郿縣人自太學生授蘇州府同知歷應天府治中山山西右參政山東左布政使所至有惠政及民正統中陞行在工部左侍郎尋進尚書居工部八年營建宮殿百工政令忬贊畫之功居多止統末請老致仕歸家十五年以疾卒時天順七年七月遣官諭祭忬為實廉潔而才亦精敏歷官四朝有譽無過老益猶奮不阿是時王振用事忬累被侵侮故未衰即引年而退

欽定四庫全書

卷之五十一

十四

工部尚書兼大理寺卿趙榮傳

實錄

工部尚書兼大理寺卿趙榮字孟仁其先西域人寓福建閩縣初姓王氏其母舅薩琦為編修榮從來京以能書秀才選任中書舍人已已之安虜衆奉 上皇車駕至土城邊大臣出迎會議遣官往衆相視無肯行者榮毅然請行遂陞大理寺右少卿充鴻臚寺卿與右通政王復出城朝見進羊酒等物還改太常寺少卿景泰初陞工部右侍郎與都御史楊善同使瓦刺奉迎 聖駕回京錄功轉左侍郎理部事天順初陞本部尚書曾欽作亂督軍殺賊降勅嘉獎命蒙款敘錄

卷之五十一

十五

大理寺卿 英宗嘗與大學士李賢論及其事稱其忠尋患風病辭職有旨令養病成化十一年三月卒年六十賜祭葬如例榮體貌豐偉有才幹能應變而不事紛擾陳汝言嘗言于 英廟謂榮不學無術及汝言敗命多官鞠于庭榮詰汝言曰爾有學術顧乃為如許事耶汝言默然

太子少保工部尚書萬祺傳

實錄

丙祺字維壽江西南昌縣人少爲縣學吏頗知書以
書星命權爲鴻臚寺序班有援之者超擢爲吏部主
事天順初從太監曹吉祥首事陞郎中曹欽胤以援
大學士李賢于難薦陞太常寺卿成化壬辰陞禮部
左侍郎丁母憂起復任事爲言者所論改工部丙申
陞尚書管易州廠柴炭尋加太子少保成化二十年
正月卒賜祭葬如例祺起自胥吏處要任已駭物論
又居六卿之列且加以官保一時大臣不能執正而
科道亦噤不上言人心爲之不平然其爲人亦謙約
不敢怙肆不甚爲士大夫所厭惡故得保全云

獻徵錄

卷之五十

十六

太子少保工部尚書王復傳

實錄

王復字初陽順天府固安縣人正統壬戌進士初授
刑科給事中陞通政使司右叅議尋轉左也先入寇
時選能使虜迎 駕者復請行遂授禮部右侍郎與
中書舍人趙榮同往還陞右通政再轉左丁繼母憂
奪情起復踰年陞通政使遂遷兵部左侍郎命清武
職貼黃成化初擢本部尚書以陝西多事命出巡邊
得便宜行事凡所建置多合時宜言者謂復居兵部
非宜改工部久之加太子少保已而乞致仕從之賜
勅而行仍令有司如例給夫米終身成化二十一年
六月卒年七十贈太子太保諡莊簡賜祭葬如例復
重厚寡言雅志冲澹遇人不設城府臨事審處綽有
條理與人言未嘗有矜異色一時公卿有大臣體尤
惟復人不盡知也且好古嗜學廉約自守不事矯亢
故能以德量保其祿位而終近時大臣沒而得諡者
多出于同年當道子居顯位惟復以公道得之

獻徵錄

卷之五十

十七

資政大夫工部尚書贈太子少保謝公一夔行

狀

何喬新

公諱一夔字大韶姓謝氏其先本晉太保文靖公安之裔世家南昌新建之古源祖永亨避仇匿于爛丈王氏家遂冒其姓及公貴顯乃請于朝復先姓云父得仁爲汀州經歷以廉惠得民心部使者薦之陞推官謝獄明恕正統乙巳大盜起沙縣攻圍汀城勢張甚郡推集民兵助閩帥守禦屢挫賊鋒旣解圍官軍執村氓四百餘誣爲賊又爲力辯得釋民德之及卒汀人建祠以祀焉公天資溫粹弱冠從翰林侍講吉

獻徵錄

卷之五十一

十八

水尹鳳岐先生讀蔡氏書先生覽其所作經義論策大加稱賞語諸生曰大韶他日所就吾不及也吾於文字間見之矣郡推卒于行營公扶柩歸葬居喪讀禮足迹不入城市免喪以所業赴江西鄉試名在前列會試禮部以書經冠天下士及廷對英宗皇帝策以禮樂刑政之要公所對上推唐虞三代之盛下及漢唐宋沿革之詳凡三千餘言未及曰禮樂之本刑政之原不外乎一誠臣願陛下運此誠以興禮樂則大禮與天地同節大樂與天地同和矣運此誠以刑政則一政之出入信之如著龜一刑之施人哀

之如鉄鉞矣英廟覽之深美聖衷賜進士及第

擢翰林院修撰又命公與庶吉士楊英等同進學於翰林俾讀中秘書繇是所學益博發爲文章不爲奇崛雕刻之詞而純澁淵永人共推服少保李文達公尤重公每以偉器期之脩英廟實錄文達爲總裁以公爲纂修官據事直書行史官體今皇帝初御經筵以公爲講官賜銀二十兩鈔二千貫紵絲二表裏實錄成陞左春坊左諭德加賜銀幣等物尤厚公因請假歸省先塋抵家捐俸立義學教授童蒙闈之子弟又置義田義倉賑貧無以養者郡推祠在汀躬

獻徵錄

卷之五十一

十九

往祭奠遺民迎拜公接之無貴賤皆與仇禮汀吏民咨嗟頌其賢暨還京會朝廷以星變求言公上疏陳五事一曰正宮闈以端治本二曰親大臣以詢治道三曰開言路以決壅蔽四曰慎刑獄以廣好生五曰戒妄費以足財用忠懇剴切多人所不敢言者士大夫翕然稱之雖不識公者讀其疏亦皆感嘆想見其爲人上以宋元二史予奪迄無定論特命內閣備臣妙選學識老成者用朱子書法編纂成書以續通鑑綱目時翰林在選者僅十有四人而公與馬公分修元史因推廣前待制王禕之論以爲泰定帝爲世

祖長孫宜承大統燕帖木兒迎立明文不過欲因際
會圖富貴爾故於燕帖木兒舉兵以謀逆書凡以兵
附燕帖木兒者以謀叛書於上都遣兵以討叛書一
止前史之謬君子禮之書成進御陞翰林院學士賜
宴于文華門右廊又賜鈔一千貫成化十四年二月
皇太子出閣詔簡儒臣充東宮官公與學士彭公彥
實等皆以學行選侍講讀十九年九月陞禮部右侍
郎凡制度儀文多所裁定前所未有者必稽經考史
參以祖宗舊制具爲儀注務使可行二十二年冬陞
工部尚書工部所掌素號繁猥而工匠之長號作頭
獻徵錄 卷之五十一 十一
者持丈短長恣爲姦利公攷校案牘嚴勾稽剔蠹弊
謹物料出納之數正匠作逋匿之罰斥遺作頭不得
近左右凡有管繕必計程期慮財用以授屬官之廉
能者使董之故費出有經人無久復二十三年公得
痰疾卒享年六十有三事聞贈太子少保賜鈔萬貫
贖其家遣官諭祭者再且命有司治葬公爲人天性
樂易待人接物一本於誠尤篤友誼有誤懼法網不
能自直者必語所司爲辨之不啻已事或材可用而
沉淪下僚者薦諸當道拔而用之不幸客歿者爲歸
其喪或卹其妻子在翰林屢典文衡嘗考禮部貢士

得登整以冠多士及試大廷整名在第三人皆服
鑒白少好學至老不倦所著有古源文集若干卷藏
於家

太子少保工部尚書賈俊傳 實錄

太子少保工部尚書賈俊字廷杰直隸束鹿人景泰元年鄉貢士授監察御史出巡浙江山西陝西河南畿所至皆有聲擢山西按察司僉事協守寧武諸關修明軍政邊徼晏然尋遷副使分司臨清用薦為右僉都御史巡撫寧夏至則持憲度嚴軍法數年虜不敢犯入為工部右侍郎時河南飢命俊賑貸多所全活未幾轉左遂進尚書加太子少保俊為人清慎儉約終始不渝在工部數年飭材訓藝勤必信度人無間言累以足疾上疏乞休久之乃命馳驛歸仍勅無復轉

卷之五十一

五

有司歲給食米與隸弘治八年六月卒年六十八賜祭葬如例自俊之去工部也繼者鮮能及之俊可謂無愧大臣云

太子少保工部尚書賈公遺事 李堂

公諱俊直隸束鹿縣人景泰元年鄉貢擢監察御史歷按治浙江等處風采壁立九載陞山西按察司僉事轉山東副使操持日厲受知歷城尹吏部公薦陞都察院右僉都御史巡撫寧夏六年陞工部右侍郎轉左奉勅賑卹河南等處地方災傷激揚鎮定事竣復部聲望偉然弘治初本部缺尚書黜邢崇正之弊

時三原王公為吏書以聚書用陟部正內省

之奏立清臣司痛革作頭騰尸包替寬放私復及印假班奸弊遇朝審重囚力爭假印罪犯不當矜恤建議差官點驗內府長工人匠凡在營有人不許勾逃審驗上班人匠有力者俱令納價以備贖覓真辦物料痛抑勢要高擡虛估浙江荊州蕪湖三抽分處主事及洪開等屬官事滿嚴加甄別未嘗輕以廉介字樣與人一時屬員更相濯磨蓋政務與各監局相表裏而內官監尤為掣肘公坐鎮紛拏惜費別奸體國惠民之政始終如一日亦遇 孝皇知眷倚任之

卷之五十一

五

專故能全其志節以足疾三疏允致任每詢其起居欲再起公竟以疾卒年七十公剛介出于天稟好善嫉邪嚴於涇渭自夫人李氏沒家無媵侍公退門無私謁亦未嘗輕易及人門投刺往還時潘公禮為右待管理易州山厥氣節相符嘗乞休致三原王公奏留之曰前此管厥者未能或之先也及歸貧不能自給人以二妙目之

榮祿大夫太子少保工部尚書劉公琦神道

林俊

弘治丙辰資德大夫正治上卯工部尚書劉公梅坡
一上章致其仕情愴而詞益哀 孝皇帝憐之加太
子少保還之延平途給驛家給廩月為石者三給復
歲為名者四所以優念者勤複 上卽位就家進榮
祿大大俊游鄉梓者十有六年正德辛未壽八十三
以逝公諱璋廷信其字幼孤萬夫人安節忍貧育教
之遂知奮勵砥行勸書聞一室問如也天順丁丑
弟進士為戶部主事郎中佐會綜琴稍暇繕閱書史

獻徵錄 卷之五十四 三十四

隱然公輔之望不涉速化久之參政山東東人饑道
殫相望薰蒸成大疫同官五人染其二以疾公視無
怯水爭蛟龍陸足埃氛窮僻邑以至倒庾勸分藥病
而掩骼心力俱盡民全活為多遷浙江右布政使尋
轉左浙歲餘米二十有二萬而時軍食告匱幾為變
公徑支積餘二萬五千兩給軍方請後聞之罪時王
端毅公為巡撫賢而容之公復經理為後繼者疏存
留鹽鈔易以米而稽其屯之額以為定支窮見至隱
利孔塞吏姦挾於是用給酒餘藩政一清擢總督江
淮漕運兼巡撫右副都御史時河洛飢南戶部主事

張倫疏割漕米八十萬石由黃河入汴以濟 憲

可之命公運其七倫運其一宋漕規江不入淮淮不
入汴河性悍急非江淮之舟能濟倫未考也公募巨
艘與習河勢者並運而前覆者溺者核其實無問河
洛得濟民全活又多明年江淮飢公先事處分做范
文正富文忠拯濟諸法舉而行之蠲其租罷其歲輸
供應民全活又多鄭襄蝗大作公又巡鄭襄有夢者
曰巡撫至蝗滅公至大雨蝗水死以盡又巡四川令
民輸粟補吏稽司屬贖刑入粟之多察以驗廉壘積
以石計者百萬而餘人疑其迂比再歲連飢深賴為

獻徵錄 卷之五十五 三十五

濟不足猶取粟於荆潞游而上始服老成計事之早
民全活又多其它復竈丁之輸銀解部以准除鹽課
種馬限年責駒以二歲始以二十歲止為常解備用
馬匹不責地產定為直匹一十有二兩解部與寺給
軍自買而會驗其直之當印馬改差御史代武臣以
杜漁利運軍京衛外衛一體支米在淮南時也刁農
鷺兒鴉鴿烏都維公五寨夷負險絕糧道公宿兵二
路示夾攻以智將捉勁兵入問其罪夷懼誅降橋州
宜慰楊輝溺愛其庶子友賄其鄉當軸為立安寧宜
撫而官之友遂謀奪嫡誣其弟宜慰愛有反謀下刑

太子太保工部尚書徐貫傳

徐貫字原一浙江淳安縣人天順元年進士授兵部主事歷員外郎郎中福建右叅政右布政使山東左布政使拜都察院右副都御史巡撫遼東陞工部右侍郎尋轉左至尚書加太子少保以修清寧宮進太子太保以疾乞致仕許之弘治十五年十一月卒贈太保諡康懿賜祭葬如例貫溫厚明敏在職方久熟於邊務謀畫章奏一時郎署稱首巡視福建海道料理蘇松水患績亦可紀其在遼東風教少著而晚節頗不競云

郵待郎何公喬新借公案驗發其姦除其司割平疏一所官兵守之友號職銷印置之保寧周防慎密部下帖帖以靖在蜀時也入為工部侍郎遷南京禮部尚書又入為工部尚書營建節省公不治生產既歸敝屋猶故戶之稅不盈一石僮僕鬻販自給裕如也謹潔宣整無躁動無疾言舉武不差尺寸三事標表有東郭順子之廉子產之惠一念人國庚午年再起征並深淮進止之懿則以問公公曰專圖安危在老夫即日起是時公八十餘矣老成憂國杜祁公之心也弘治初詔大臣各舉堪為藩臬長者公舉俊時與公米相識也古者辭薦不謝至死則弔公後之知己某道之文容非俊責耶公所著有梅坡集清永成一

丁部尚書曾鑑字克明郴州桂陽縣人以戎籍生長京師天順甲申進士授刑部主事有通州民十餘輩坐誣為盜獄已具鑑辨其冤後果得真盜改工部陞吏部郎中成化末陞右通政弘治中歷太僕卿工部左侍郎進尚書 上嘗召至便殿趣造戰車鑑言派鑿之害請以舊所積槐榆木為之又嘗問工匠缺乏鑑歷陳災傷逃徙之故皆見嘉納正德初以修蘆溝橋隄製內殿龍毯賜玉帶以病致仕進階榮祿大夫正德二年閏正月卒贈太子太保賜祭葬如例鑑為人謹厚勤勵居家友于兄弟履歷數十年雖無表表建立然亦無失德也

獻徵錄

卷之五十一

二十八

李鑑字時器汝陰人天資穎敏氣宇端凝接物無中不可犯智慮邃密分不飲彰成化壬辰進士授水主事管河臨清改作板閘又緝內使私鹽數萬引及官復除刑部遷員外郎郎中奉命賑山西饑民多活流民有為盜者鑑入其巢諭還本業開渠灌田萬頃民刻石頌德擢鴻臚少卿諫罷鄧常恩廢職及毀西山成壇弘治初數上言便宜太宰王端毅賢之再擬巡撫會有沮之者遷南京太僕少卿再遷光祿卿削冗濫之俸抗章數工部苟具器用耗財無益遷工部侍郎入翰林命兼憲職治餉虜遁還朝言十事且謂外攘宜先治內今盛齋醮嗜燕游寵他技以雜金紫首異禽以糜梁肉此奸漸長恐顛正道遠人偵伺以順逆邊方親視以勤惰命山東視漕上言桐城之壩毋毀沈河之塞毋迫浚泉甌水漕利可復邊城奏密雲將有虜宜備之 上曰非鑑往不可召至榻前諭旨鑑始至簡將廣儲已乃治墜壘飭器械守險監梁溝瀾製荒田河流通悉有成績 上謂司馬劉大夏曰鑑果善幹國者正德初遷尚書劉瑾用事惡先朝大臣不附已遂致仕瑾詔起還部加太子少

獻徵錄

卷之五十一

二十九

傳四辭乃允其疏略云德稱位者安寵喻分者危

論宜之則榮衆指疵之則辱君之於臣在遂其忠毋

徒溢其秩是後佞幸益雜修建大增鼇山之戲內苑

之供造軍器縉綺豹房僧寺鎮國延壽凝翠太素知

彈刻畫色累金碧又石采瓦窮麗極奢公隱憂顯諫

未嘗遽已也 內宮災新作之鏡雅有心計量物平

價擇舊成新費省而工堅諫疏歲數十上其曰漢文

之賢罷露臺而著隋帝之敗開汴河而致益民所有

惟財與力力竭則懟財散則叛今凶微已顯可又促

之屢請停他管併成內宮 上或奪俸示譴或間從

一二太監劉養監各工鏡與議不協面北之養素寵

貴泣懇于 上前直鏡不究嘉靖改元年七十有五

曰吾在先朝義不可去今 聖主興遺賢進吾納祿

讓能此其時乎歸來八年春秋祀墓外靜坐觀書不

出戶庭不燕飲無音樂蓋天性節約至老不渝卒

年八十二諡恭敏

榮祿大夫太子少保工部尚書俞公琳墓志

謝遷

太子少保工部尚書致任西湖俞公卒計聞 上震

悼遣官諭祭者四公諱琳字德彰以戎籍隸忠義衛

成化間公父携公及兄瑄補尺籍父卒時公甫五齡

岐嶷不凡大父奇之嘗曰此兒必大吾家當脫此籍

稍長從名師游問學大進鍾夫人追念舅言乃賦瑄

而以公從戎公果以丁酉領順天鄉薦丁未成進士

授行人嘗被命冊封晉府郤金帛鞍馬之贈弘治初

典周府喪禮舟次歸德感疾危甚公念卽不幸母氏

誰爲養者仰天大慟幾絕忽夢五老人謂曰爾勿憂

爾福壽當不止此覺而詢諸土人乃知有睢陽五老

祠在焉疾尋愈人皆以爲孝感辛亥擢江西道監察

御史多建白癸丑按行畿輔所至發奸擿伏不少顧

避貪積斂跡都御史丹山屠公將薦大用適鴻臚丞

缺銓部舉公而公樂就之屠公佛然曰君才乃安此

耶吾卽嘗論列公辭曰琳母老獨念此可得常居爲

公居鴻臚久禮度閑習詞氣宏暢爲 孝廟所簡注

正德戊辰陞禮部右侍郎仍掌寺事庚午丁內艱服

獻教錄 卷之五十一

獻教錄 卷之五十一